

御製孝慈錄序
喪禮經傳約
歷代山陵考

五服異同彙考
葬度



Handwritten red text on a white label, oriented vertically, possibly indicating a library or collection number.

2121.6

30 = 1042

御製
孝
慈
錄
序

明太祖撰

中
華
書
局

御製孝慈錄序

此據紀錄彙編本
影印初編各叢書
僅有此本

紀錄彙編卷之四

御製孝慈錄序

洪武

喪禮之說聞周朝已備至秦火乃亡漢儒采諸說以成書號曰周禮儀禮或云新書而未行歷代儒臣往往以爲定式以佐人主若識時務者則采可行而行之其有俗士執古以匡君君不明斷是以妨務而害理中道廢焉朕觀其所以於事甚繁洪武七年秋九月貴妃薨勅禮官以定儀詔翰林稽諸古典三日而後來奏人各以周禮儀禮以爲定式所云父在爲母

服期年若庶母則無服又引子游問孔子魯昭公之
服有二以孔子不許爲必然朕思之再三迂儒俗士
果不識時務孰不知孔子之說有大義存焉宰予問
期年之喪可服孔子以爲不仁與昭公之事何異乎
不然當是時諸侯不有天王而自專孔子務以三綱
五常教昭公諸侯也其喪禮久出天王問孔子欲更
其禮可乎在孔子必不教人不忠所以不言期之非
及宰予閒居之論孔子却言其非可見母之期服不
近人情焉今之迂儒止知其一不知其二是古非今
昭然矣且禮出於天子上行下效焉今天子皇子母

服期庶母則無服五服之外則不服若以其說爲必然則堯之德靡及矣堯乃親九族而平章百姓豈獨五服之外者歟於是命諸儒遍攷諸書以報又數日來奏古今論喪服者凡四十有二人願服期年者十四人願服三年者二十八人比服期年者增倍由是觀之三年之喪豈不合人情者乎夫父母之恩一也父服三年父在爲母則期年豈非低昂太甚乎其於人情何如也且古不近人情而太過者有之若父母新喪則或五日三日或六七日飲食不入口者方乃是孝朝抵暮而悲號焉又三年不語焉禁令服內勿

生子焉朕覽書度意實非萬古不易之法若果依前
式其孝子之家爲已死者傷見生者十七八九則孝
禮頹焉民人則生理罷焉王家則國事紊焉又聞周
公無逸篇述殷王中宗享國七十五年高宗享國五
十九年祖甲享國三十三年自時厥後惟耽樂之從
或十年或七八年或五六年或四三年壽可稽而短
可考豈不明矣然周公止知如是不知定期服已失
人倫終致後王壽短而社稷移者亦由庶母無服焉
或父歸而子乘之人倫安在所以壽促而王綱解迂
儒茫然哉朕觀宮生之君好內山林之士任爲股肱

爪牙暴貴其身致君牽制文義優游不斷國之危亡
非迂儒者誰其喪禮之論時文之變態迂乃不能審
勢而制宜是古非今灼見其情甚不難矣每聞漢唐
有忌議喪事者在朕則不然禮樂制度出自天子於
是立爲定制子爲父母庶子爲其母皆斬衰三年嫡
子衆子爲庶母皆齊衰杖期使內外有所遵守

洪武七年冬十一月一日

斬衰三年



經腰



斬衰冠




絞帶



首經





養老

制裳

前三幅

後四幅

萱杖


履

管

桐杖

御製孝慈錄序

九



齊衰



御製孝慈錄序

經 腰



帶 絞




冠 衰 齊




布 武

經 首







大功九月

